

Lentšú La Modimo Le Tlile Go Moporofeta William Marrion Branham

"Tšea Pene Ya Gago O Ngwale"

Bošego bjo bongwe ge ke be ke nyaka Morena, Moya wo Mokgethwa wa mpotša gore ke tšee pene yaka ke ngwale. Ge ke swara pene gore ke ngwale, Moya wa Gagwe wa mpha molaetša wa kereke. Ke nyaka go o tliša go lena. O mabapi le Lentšú le monyalwa.

Mo ke seo ke lekago go se bolela go lena. Molao wa gore tswalang le ate ke wa gore sephedi se sengwe le se sengwe se tšweletše sa mohuta wa sona, le go ya ka Genesi 1:11, "Modimo a re: Lefase a le mele bjang, le dimela tša go enywa peu, le dihlare tša dienywa, tše di yago ka mehuta ya tšona, yeo peu e lego ka go yona, mo lefaseng: gomme gwa ba bjalo." Bophelo bofe bjo bo lego ka peung bo tlile ka mohlareng mme bjalo ka go dienywa. Wona molao wona wo o šoma mo kerekeng lehono. Peu efe kapa efe yeo e thomilego kereke e tla tšwela pele mme e swane le peu ya mathomong ka gobane e sa le peu yona yela. Mo matšatšing a mafelelo Kereke ya Monyalwa ya therešo (peu ya Kriste) e tla tla Leswikahlogong, gomme e tla ba kereke ya maemo a godimo, morafe wa maemo a godimo, bjale ka ge e Mmatamela. Mo go monyalwa e tla swana le Yena ka gore ba tla ba bjalo ka seswantšho sa Gagwe. Se ke ka lebaka la gore ba kgone go hlakana le Yena. E tla ba selo se tee. E tla ba ka nnete ponagatšo ya Lentšú la Modimo yo a phelago. Dikereke tša maina di ka se kgone go tšweletša se (peu e šele). Di tla tšweletša dithutotiro le melao ya maitirelo, e hlakane le lentšú. Tihakatlhakano ye e tšweletša setšweletšwa sa motswako.

Morwa wa mathomo (Adama) e be e le peu ye e boletšwego-Lentšú la Modimo. Mo go be go filwe monyalwa go re a itšweletše. Ke ka lebaka leo monyalwa o be a ile a neelwa go yena;

gore a itšweletše; gore a tšweletše morwa ye mongwe wa Modimo. Eupša a wa. A wa ka go hlakahlakantšha. E ile ya mo dira gore a hwe.

Morwa wa bobedi (Jesu), le yena peu yeo e bolwetšwego-Lentšu la Modimo o ile a fiwa monyalwa bjalo ka Adama. Eupša pele ga ge a ka monyala, o be a šetše a wele. Yena, bjalo ka mosadi wa Adama, O ile a bewa tekong go bona ge e ba o tla dumela Le-ntšu la Modimo mme a phele, goba a Le umake a hwe. O ile a umaka. A tlogela Lentšu. A hwa.

Mo sehlotswaneng sa peu ya nnete ya Lentšu, Modimo o tla fa Kriste monyalwa yo a rategago. Ke kgarebe ya Lentšu la Gagwe. Ke kgarebe ka gore ga a tsebe ditumelwana tša go dirwa ke batho le dithutotiro. Ka goba le ka maloko a monyalwa go tla phethagatšwa tšohle tše di bego di tshepišitšwe tša Modimo go tla go bonagatšwa mo go kgarebe.

Lentšu la tshepišo le tlele go Maria kgarebe. Eupša Lentšu leo la tshepišo e be e le Yena, Yena-Yena, gore a bonagatšwe. Modimo ile a bonagatšwa. Yena, Yena-Yena, O ile a dira ka nako yeo mme a phethagatša Lentšu la Gagwe la tshepišo mo kgarebeng. E be e le morongwa yeo a tlišitšego molaetša. Eupša molaetša wa morongwa e be e le Lentšu la Modimo. Isaiah 9:6. E phethagadišwe nakong yeo tšohle tše di bego di ngwadilwe ka Yena ka gobane o ile a amogela Lentšu la Gagwe go yena.

Maloko a kgarebe ya monyalwa a tla Mo rata, gomme ba tla ba le maatla a Gagwe, Ka gore ke hlogo ya bona, gomme maatla ka moka a tšwa go Yena. Ba laolwa ke Yena bjale ka ge mebele ya rena e laolwa ke dihlogo tša rena.

Ela hloko kwano e le go go Tate le Morwa. Jesu ga senka a dira selo ge e se ge a laetša ke Tate. Johane 5:19. Kwano ye bjale e swanelwa ke go ba gona makgatheng ga Monyadi le monyalwa wa Gagwe. O mo laetša Lentšu la Gagwe la bophelo. O a le amogela. Ga se nka a le dikadika. Ka gona, ga go selo seo se tla mo kwišago bohloko, le ge e ka ba lehu. Bjale ka ge peu e bjadilwe, meetse a tla e tsoša gape. Mo go na le sephiri sa se. Lentšu le ka go monyalwa

(bjale ka ge le be le le ka go Maria). Monyalwa o na le monagano wa Kriste ka go-bane o tseba tšeo A mo laetšego gore a se dire ka Lentšu. O diragatša taelo ya Lentšu ka leina la Gagwe ka gore o na le "O rialo Morena." Fao Lentšu le phedišwa ke Moya gomme le a bonagala. Bjalo ka peu yeo e bjetšwego mme ya nošetšwa, a tla punong, ya diragatša modirelo wa yona.

Bao ba lego mo go Monyalwa ba dira thato ya Gagwe fela. Ga go yeo a ka ba dirišago phošo. Ba na le "O rialo Morena" goba ba a swarelela. Ba tseba gore e swanelwa go ba Modimo a dira ka mo go bona, A phethagatša Lentšu la Gagwe. Ga a kgone go phethagatša mediro ya Gagwe ka moka A sa le bodireding bja mo lefaseng ge go le bjalo O šoma ka Monyalwa. O tseba taba yeo, ka gore e be e šešo ya ba nako go Yena gore a dire dilo tše dingwe tšeo A swanelwa ke go di dira bjale. Eupša bjale O tla phethagatša ka monyalwa modiro wo A o tlogetšego nako ye.

Bjale a re eme bjalo ka Jošua le Kalebe. Lefase la rena la tshepišo le fihlile mo le bonalago bjale ka ge la bona le ile la dira. Bjale Jošua e ra gore "Jehova-mophološi," O emela moetapele wa nako ya bofelo yo a tlo go tla kerekeng le ge Paulo a ile a tla bjalo ka moetapele wa setlogo. Kalebe o emetše bao ba ilego ba dula ba botegela Jošua. Gopola, Modimo O ile a thoma Isiraele bjalo ka kgarebe le Lentšu la Gagwe. Eupša ba ile ba nyaka se sengwe seo se fapanego. Ka gona go bjalo le mo kerekeng ya letšatši la bofelo. Ela hloko ka fao Modimo a senkago a sepediša Isiraele, goba a senkago a e hlahlela lefaseng la tshepišo go fihlela ge e ba nako yeo e šupilwego ke Yena. Bjale batho ba be ba ka gatelela Jošua, moetapele, mme ba re, "Naga ke ya rena, a re yeng go e tšea. Jošua, o feditše tšohle, o lahlegetšwe ke taelo ya gago, ga o sana le maatla a le o bego o na le wona. O be o fela o ekwa go Modimo mme o tseba thato ya Modimo, mme o dira ka pele. Se sengwe se fošagetše ka wena." Eupša Jošua e be e le moporofeta yeo a romilwego ke Modimo, mme a tseba ditshepišo tša Modimo, fao o ile a ba emela. O ile a emela kgopolo yeo e aroganyago e hlwekile go tšwa go Modimo gomme nako ya go šutha e tšile, Modimo o ile a bea boetapele bjoo bo feletšego matsogo a Jošua ka gobane o ile a ema

le Lentšu. Modimo o ile a tshepha Jošua eupša e se-go ba bangwe. Ka fao e tla ipušeletša mo letšatši la bofelo. Bothata bjona bjola, kgatelelo yona yela.

Tšea mohlala wo re o bona-go go Moše. Moporofeta yo maatla yo a bego a tloiditšwe wa Modimo o bile le tswalo yeo e sego ya tlwaelega, ge a belegwe nakong ye e lebanego ya tokollo ya peu ya Abrahama go tšwa Egepeta. Ga se nka a dula Egepeta go baka Mangwalo le bona, goba a hlakane le baperisita. O ile a ya lešokeng go fihlela ge setšhaba se le leemong la go mo amogela. Modimo o biditše Moše go ya lešokeng. Tetelo e be e se ka lehlakong la Moše eupša ka lebaka la gore setšhaba se be se se leemong la go mo amogela. Moše o ile a gopola gore setšhaba se tla kwišiša eupša ba senka ba kwišiša.

Fao go nale Elijah yoo lentšu la Morena le tlilego go yena. Ge a thomile go rera nnete mme sehlopha sela kua moraga seo se be go se tlile go eta Jezebele wa Amerika pele se ka se amogele Lentšu, Modimo o mo tlošitše tšhemong mme a rogaka moloko wo ge o gana moporofeta le molaetša woo Modimo a o filego. Modimo o mmileditše lešokeng gomme ga se nka a e tšwa le ge a bitšwa ke kgoši. Eupša bao ba ilego ba mogapetša go dira bjalo, ba ile ba hwa. Eupša Modimo o ile a bolela le moporofeta wa Gagwe wa tumelo ka pono. Go tšwa mo kutamong o ile a bušetša morago Lentšu go lsiraele.

Ka fao gwa tšwelela Johane Mokolobetši, moetedi pele wa Kriste, moporofeta wa maatla wa letšatši la gagwe. Ga senka a eya sekolong sa tatagwe, goba sekolo sa Bafarasei — ga senka a eya kerekeng ya leina, eupša a tšwela kua sethokgweng a biditšwe ke Modimo. Fao o ile a dula go fihlela Morena a mo romela ntle le molaetša, a lla, "Mesia o batametše."

Bjale ga re tšeeng kgalemo ya Mangwalo mo. A ga se nakong ya Moše ge Modimo a ile a hlatsela gore Kora o ile a ema kgahlanong le moporofeta yo maatla? O ile a ngangana le Moše mme a phegelela gore o na le se se ntšhi go tšwa go Modimo go hlahla batho mme a re o hweditše kutullo ya Semoya go swana le Moše. A gana maatla a Moše. Bjale batho gona kua morago, ka ge ba be ba

kwile Lentšu la nnete mme ba na le bohlatse ka moka bja gore moporofeta wa nnete o hlatselwa ke Modimo, ke re batho bao ba ile ba latela Kora le dipolelokgogedi tša gagwe. Kora e be e se moporofeta wa go ya ka Mangwalo eupša batho ka bontši le baetapele ba bona ba mo kgeregela. Bjale ka baebangedi lehono ka diitshapediši tša bona tša namane ya gauta bjalo ka Kora. Ba bonagala gabotse go batho bjalo ka Kora ge a ile a bonagala gabotse nakong ye fetilego. Ba na le madi diphatleng tša bona, mahura matsogong a bona le mekgobo ya mello difaleng tša bona. Ba dumelela gore basadi ba rute, ba dumelela gore basadi ba ripe meriri ya bona, ba tšware marokgo a matelele le ya makopana, mme ba šikologa Lentšu la Modimo lebakeng la dithutwana le dithutotiro tša bona. Seo se laetša mohuta wa peu woo o lego ka mo go bona. Eupša ga se batho ka moka bao ba go hlanogela Moše mme ba tlogela Lentšu la Modimo. Aowa. Bahlaolwa ba ile ba dula le yena. Se se bjalo se a direga lehono. Babantši ba tlogela Lentšu eupša ba bangwe ba dula le lona. Eupša gopola seswantšho sela sa peu le mphoka. Mphoka o swanelwa ke go tiengwa go tšhungwa. Dikereke tše tša go lahla tumelo di a tiengwa ngata mmogo, go letela mello ya Modimo wa kahlolo. Eupša ge e le peu e tla kgoboketšwa go Mong.

Bjale ke nyaka gore le tloge le ela hloko mo mme le bone se. Modimo o tshepišitše gore nakong ya bofelo Maleaki 4 e tla phethagatšwa. E tla swanelwa gore e be bjale ke Moya-wa-go-phediša Lentšu la Modimo leo le boletšwego ke moporofeta Maleaki. Jesu o ile a šupa go yona. E no ba pele ga ge Kriste a etla la bobedi. Nakong ya ge Jesu a e tla Mangwalo ka moka a tla phethagatšwa. Kabelo ya Bantle e tla ba mo nakong ya kereke ya bofelo ge motseta wa Maleaki a etla. O tla ba thwii le Lentšu. O tla tšea Beibele ka moka go tloga ka Genesi go fihla ka Kutullo. O tla thoma ka peu ya noga mme a tšwela pele go fihla go motseta wa nakong ya bofelo. Eupša o tla ganwa ke dikereke tša maina.

O tla swanelwa ke gore a emele seo ka gore histori e a ipušetša go tloga ka nako ya Ahaba. Histori ya Isiraele ka fase ga Ahaba e diragatšwa mo Amerika mowe moporofeta wa Maleaki a tšwelelago. Bjalo ka ge Isiraele e ile ya tlogela Egepeto go ya go rapela ka

tokologo, ya kgorometša boramešašana, ya hloma setšhaba sa baetapele ba bagolo ba go swana le Dafida le ba bangwe; gomme ba beya Ahaba setulong sa bogoši le Jezebele ka morago ga gagwe go tla go mo šupetša, a ga ra dira sa go swana le seo mo Amerika. Botatawešo ba ile ba tla nageng ye go tla go direla le go phela ka tokologo. Ba ile ba tloša bo-ramešašana mme ba tšea naga ye. Banna ba maatla go swana le bo-Washington le bo-Lincoln ba ile ba tsošwa eupša ka morago ga lebakanyana banna ba bangwe ba seemo sa go nyatšega ba latela banna ba ba bego ba swanetše go se go ye kae Ahaba o be a beilwe setulong sa bopresitente le Jezebele ka morago ga gagwe go tla go mo šupetša. Ke mo dinakong tše bjalo gore motseta wa Maleaki a tle. Mo nakong ya bofelo go tla theoga pontšho ya Thaba ya Karamele. Lebelela se ka go ela hloko bjale go e bona mo Lentšung. Johane e bile moetedi pele wa Maleaki 3. O ile a bjälwa puleng ya mathomo mme a ganwa ke mekgahlo ya nako ye. Jesu o ile a tla mme a ba le ponagatšo ya Thaba ya go Fetola-lebopo. Moetapele wa go tla ga Kriste la bobedi o tla bjala go tla ga pula ya bofelo. Jesu o tla ba ponagatšo makgatheng ga dikereke tša maina le ditumelo tša batho, ka gobane o tla tla go thekga Lentšu la Gagwe gomme a tšee monyalwa wa Gagwe ka tthatlogo. Ponagatšo ya mathomo e be e le Thabeng ya Karamele, ponagatšo ya bobedi e be Thaba ya go Fetola-lebopo, mme ya boraro e tla ba Thaba ya Zione.

Ditiro tša go se tlwaelegago tša Moše, Elijah le Johane go tšwa bathong go ya mafelong a ka sephiring di tlogetše ba bantši ba gakanegile. Ba senka ba lemoga gore ke ka lebaka la gore melaetša ya bona e ile ya ganwa. Eupša peu e ile ya gašwa, pšalo e be e fetile. Kahlolo e be e le kgauswi. Ba be ba phethagaditše tabakgolo ya bona bjalo ka seka bathong, ka fao kahlolo e be e le kgauswi.

Ke a dumela go ya ka Kutullo 13:16 gore monyalwa o tla swanelwa go emiša go rera ka gore sebata se gapeletša leswao ka seatleng goba mo phatleng ge tumelelo ya go rera e filwe. Dikereke tša maina di tla tšea leswao, goba di tla gapeletšega go tlogela go rera. Ka fao Kwana e tla tla go monyalwa wa Yona mme e ahlole seotswa se segolo.

Bjale gopola gore Moše o belegetšwe modiro wo o itšeng, eupša ga senka a dira modiro woo go fihlela a hwetša mpho ye e tla mo kgontšhago go dira mošomo. O ile a swanelwa go ya kua lehanateng mme a lete fao, Modimo o na le nako ye a e beilego. Go be go swanelwa gore go be le Farao yo mongwe mo setulong sa bogošī, gomme batho ba swanelwa ke go lilela borotho bja bophelo, pele ga ge Modimo a ka mo romela morago. Se ke nnete mo letšatši la rena.

Eupša re na le eng mo letšatši la rena? Ba bantši ba šoma dika go fihlela re na le moloko wa go nyaka dika woo o tsebego ga nnyane goba o sa tsebego selo ka Lentšu, goba tshepetšo ya nnete ya Moya wa Modimo. Ge ba bona madi, makhura goba mollo ba a thaba; ga go tshwenye seo se lego Lentšung. Ba tla thekga seka sefe goba sefe, le tšeo e se go tša mangwalo. Eupša Modimo o ile a re sebotša ka tšeo. O ile a re go Mateo 24 nakong ya mafelelo meoya ye mebedi e tla batamelana kudu go fihla ge yoo a hlaotšwego a ka kgona go e ahloganya, ka gobane ke bona fela bao ba ka se ke go ba forwa.

Naa o ka ahloganya meoya bjang? E no efa teko ya Lentšu. Ge ba ka se kgone go bolela Lentšu leo, ke ba yo mobe. Ka ge yo mobe a kgonne go fora banyalwa ba mathomo ba ba bedi, o tla leka go fora monyalwa wa nako ya bofelo, ka go leka go mo dira gore a ihlakahlakanye le dithuto tša batho, goba go tlo tloga Lentšung molaleng go ya go seka sefe kapa sefe seo se mo lekanago. Eupša Modimo ga se nka a bea dika pele ga Lentšu. Dika di latela Lentšu, bjalo ka ge Elijah a ile a botša mosadi gore a mo direle senkgwa pele, go ya ka Lentšu la Morena. Ge a dirile ka mo Lentšu le laetšego, seka sa nnete sa tšwelela. E tla Lentšung pele gomme ka morago o lebelele mehlolo. Peu ya Lentšu e fiwa mafolofolo ke Moya.

Naa go ka kgonega bjang gore motseta yo mongwe le yo mongwe yoo a romilwego go tšwa go Modimo a dumele fela karolo ya Lentšu mme a gane engwe ya lona? Moporofeta wa nnete wa Modimo letšatši la bofelo o tla bolela Lentšu ka moka. Dikereke tša maina di tla mo hloya. Mantšu a Gagwe a tla baba go swana

le ya Johane Mokolobetši yo a ba biditšego marabe. Eupša bao ba hlaoletšwego pele ba tla kwa mme ba ikemišetša tlhatlogo. Peu ya Segoši ya Abrahama, e na le tumelo ya go swana le ya Abrahama e tla swarelela mo Lentšung le yena, ka gobane ba kgethetšwe-pele mmogo.

Motseta wa nako ya bofelo o tla tšwelela nakong yeo Modimo a e beilego. Ke nako ya bofelo bjale ka moka le a tseba, ka gore Isiraele e le legaeng la yona. Nakong efe kapa e fe bjale o tla tšwelela go ya ka Maleaki. Ge re mmona, o tla swarelela mo Lentšung. O tla bonagatšwa (šupša go tšwa Lentšung, Kutullo 10:7) mme Modimo o tla hlatsela bodiredi bja gagwe. O tla rera therešo bjale ka ge Elijah a ile a dira mme a itukišetše ponagatšo ya Thaba ya Zione.

Ba bantši ba tla mokwelathoko ka gobane ba rutilwe Mangwalo ka tsela ye itšego yeo ba e tšeyago goba therešo. Ge a etla kgahlanong le seo, ba ka se dumele. Le baruti ba therešo ba tla kwelathoko motseta ka gobane tše ntši di biditšwe therešo ya Modimo ke bafuri.

Eupša moporofeta yo o tla tla, bjalo ka ge kgowa ya boetapele bja mathomo e hlabilwe, "Bonang Kwana ya Modimo yeo e rwelego sebe sa lefase," le ge go le bjalo o tla gowa ntle le tikatiko, "Bonang Kwana ya Modimo e tla ka letago." O tla dira se, ka go ba Johane e be e le motseta wa therešo go bahlaolwa, ka gona go bjalo go motseta wa bofelo go bahlaolwa le monyalwa yo a tswetšwego ka Lentšu.

(E Tšwa Go Ponagatšo Ya Mabaka A Šupago A Kereke)

Voice Of God Recordings, South Africa Office

P.O. Box 178, Somerset West, 7129 Cape Province, Republic Of South Africa

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org